

四庫全書

史部

欽定四庫全書

史部

山西通志卷五十五
六

詳校官監察御史_臣查善長

檢討_臣德生覆勘

總校官進士_臣朱鈐

校對官助教_臣蔡鎮

謄錄監生_臣王鐸

欽定四庫全書

山西通志卷五十五

武事

六

解州

春秋僖公二十四年秦伯納公子重耳濟河圍令狐入

桑泉取臼衰

杜預註桑泉在河東解縣西解縣東南有白城

周赧王二十一

年秦敗魏師於解漢鄧禹自箕關入圍安邑數月

未下更始大將軍樊參將數萬人度大陽欲攻禹禹

遣諸將逆擊於解南大破之斬參首 晉義熙十三

年二月建威將軍河北太守薛帛據解縣晉建武將

軍沈林子自襄邑堡馳襲之帛棄軍奔河東林子收

其兵糧

是晉軍越中條山也

梁河中節度使朱友謙附晉命感

化軍節度使康懷英討之與晉人戰白徑嶺懷英大

敗 金元光二年五月甲子徙權平陽公史詠兵于

解州河中府天興二年十一月河解元帥趙偉自金

雞堡攻解州不能下 元至正二年六月回回喇哩

五百餘人渡河寇掠解吉隰等州

安邑縣

周赧王二十九年秦擊魏獻安邑以和 秦攻趙蘭離
石祁趙以公子郢為質於秦請納焦黎牛狐之城以
易蘭離石祁於秦後趙背秦不予焦黎牛狐秦令衛
胡易伐趙攻闕與趙奢救之魏令公子咎率銳師居
安邑以挾秦秦敗於闕與反攻魏幾廉頗救幾大敗
秦師 秦昭王十四年國尉白起涉河取韓安邑以

東秦昭襄王十一年齊韓魏趙中山共攻秦至鹽氏而還漢高祖三年假左丞相曹參從韓信取安邑得魏將王襄擊魏王於曲陽追至武垣生得魏王豹取平陽得魏王母及妻子盡定魏地凡五十二城建武元年前將軍鄧禹圍安邑遂及更始定國上公王匡戰於安邑大破之斬其將劉均初平二年董卓使中郎將牛輔屯安邑興平二年獻帝御牛車幸安邑河東太守王邑奉獻綿帛後魏孝昌三年正平民

薛鳳賢據安邑以應蕭寶夤詔都督宗正珍孫討鳳
賢長孫稚討寶夤於長安及稚軍至恒農左丞楊侃
曰潼關險要守禦已固不如北取蒲坂渡河而西入
其腹心置兵死地則華州之圍不戰自解長安可坐
取也稚曰子之計則善矣然今薛修義圍河東薛鳳
賢據安邑宗正珍孫守虞坂不得進如何可往侃曰
珍孫行陣一夫可為人使安能使人河東沿蒲坂西
逼河封疆多在郡東修義驅民西圍郡城其家皆留

舊村一旦聞官軍至皆有內顧之心必望風自潰矣
稚乃使其子彥與侃率兵北渡據石錐壁命送降者
各還村俟臺軍舉三烽當以烽相應無應烽者乃賊
黨也當進擊屠之於是村民轉相告語雖實未降者
亦詐舉烽一宿之間火光數百里賊圍城者不測各
散歸修義鳳賢俱降稚遂克潼關 唐至德二年郭
子儀攻崔乾祐於蒲津乾祐走安邑安邑偽納之兵
半入懸門發乾祐得脫身走貞元元年陝虢軍亂李

泌奏請河東全軍屯安邑 金貞祐二年宣差都提
控從坦言絳解河中必爭之地惟令寶昌軍節度使
從宜規畫鹽池之利以實二州則民受其利兵可以
強矣又言平陸產銀鐵若以鹽易米募工鍊冶可以
廣財用備戎器小民傭力為食亦可以息盜興定二
年六月丙辰遣監察御史鈕祜祿色實往河中絳解等
郡同守土官商度可保城池元光元年五月京兆行
省完顏哈達奏言河南陝西調度仰給解鹽今正漉

鹽之時而敵擾之將失其利乞速濟師又言鹽利今
方敵兵迫境不厚以分人孰肯冒險而取之若自輸
運者十與其八則人爭赴以濟國用從之二年七月
乙巳遣兵守衛解州鹽池正大七年八月賜陝西死
事之孤鹽引及絹 明正德五年流賊犯翼城前哨
至蒙城距運城百餘里御史胡集丁萬餘督修城五
日畢後獲奸細黃狗子云齊彥明實欲犯運城以有
備不果崇禎四年閏十月秦寇乘冰堅渡河十一月

犯運城御史王與印遣守備蘇王圻拒之敗績尋以蒲州兵至引去

國朝順治元年六月賊敗歸屯兵安邑勒百姓運鹽於陝西六月十八日賊王小溪等陷城八月自蒲州敗回復入運城九月開東南門遁

夏縣

隋大業末王君廓掠夏長平河東丞丁榮拒之且遣使慰召君廓見使謬為欲歸首者榮輕之因乘兵登山

君廓悉伏甲山谷中榮軍還掩擊破之 唐武德二
年劉武周寇太原夏人呂崇茂以縣應賊詔永安王
孝基為行軍總管攻之工部尚書獨孤懷恩內史侍
郎唐儉陝州總管于筠隸焉筠請急攻城絕外援且
當有變時懷恩挾異計紿說孝基曰夏城堅攻之引
日宋金剛在近內拒外彊一敗塗地不如頓兵待秦
王破賊則夏自孤此謂不戰而屈人也孝基謂然會
尉遲敬德至與崇茂夾彊官軍師遂大敗孝基及筠

等皆執於賊

國朝順治六年知縣劉之屏守城殉難十二年巨寇張五盤據夏縣山中分守河東道班璉密偵動靜會兵深入擒之

平陸縣

左傳桓十年秋初虞叔有玉

虞叔虞公弟

虞公求旃弗獻既

而悔之曰周諺有之匹夫無罪懷璧其罪吾焉用此其以賈害也乃獻之又求其實劍叔曰是無厭也無

厭將及我遂伐虞公故虞公出奔共池 後魏孝昌
三年長孫稚使其子彥與左丞楊侃帥兵北渡河據
石錐壁安邑賊薛鳳賢來降大統九年拔洛陽柏谷
塢三月齊神武至河北周太祖還軍灑上以引之神
武渡河北據邙山為陣敗周太祖軍十六年七月周
太祖率諸軍東討九月丁巳軍出長安時連雨自秋
及冬諸軍馬驢多死遂於弘農北造橋濟河自蒲坂
還於是河南自洛陽河北自平陽以東遂入於齊矣

周建德四年北齊武平六年也東征令太保李穆別攻軹關及河北諸縣竝破之後班師 宋建炎初石壕尉李彥仙復陝州乘勝渡河列柵中條諸山旁郡邑皆響應乃分遣邵雲等下絳解諸邑三年金天會七年也金羅索悉兵自蒲解大入知陝州李彥仙伏兵中條山擊之金兵大潰婁宿僅以身免 金宗翰宗望會於汴使婁室師師趨陝津攻河東郡縣之未下者阿爾朮海敗敵於河上遂克陝府寶古魯桑

袞破陝之散卒於平陸西北和尼別破敵於平陸羅
索破蒲解之軍二萬盡覆之安邑解州皆降遂克河
中府入汴師還羅索子和尼破敵於平陸渡得其船
以濟又以兵破敵於張店原時屯留太平翼城皆有
重敵竝破之又分兵取陝西蒲州降留和尼鎮之

元至正十六年賊渡河陷平陸掠安邑蹂晉南鄙九
月察罕特穆爾追襲之蹙之以鐵騎賊回扼下陽津
赴水死者甚衆相持數月賊勢窮皆遁潰襲敗賊於

平陸安邑 孫著潁川忠襄王廟碑至正十四年妖
賊分遣奇兵渡河北蹂解南鄙王將騎夜渡靈寶要
擊於安邑南原大破之乘勝逐北數十里抵平陸城
下大陽津賊爭赴水死無噍類遺城中賊大奪氣會
食盡棄城乃遁去 明崇禎五年冬流賊據東山
芮城縣

左傳桓三年冬芮伯萬之母芮姜惡芮伯之多寵人也
故逐之出居於魏 四年秋秦師侵芮敗焉小之也

冬王師秦師圍魏執芮伯以歸

時芮更立君秦執芮伯以歸將欲納之

十年秋秦人納芮伯萬於芮

竹書紀年晉武公七

年芮伯萬之母芮姜逐萬萬奔魏八年周師虢師圍

魏取芮伯而東之九年戎人逆之邾桓王十二年秋

秦侵芮冬王師秦師圍魏取芮伯而東之後秦姚

紹左長史姚洽及姚墨螽等率騎三千屯於河北之

九原欲絕檀道濟諸縣租輸辭曰夫小敵之堅大敵

之擒今兵衆單弱而遠在河外雖明公神武絕倫然

鞭短勢殊恐無所及紹不聽沈林子率衆八千要洽
於河上洽戰死衆皆沒游擊將軍王洛生屯河東
劉裕至潼關遣將軍朱超石徐猗之會薛帛於河北
以攻蒲坂秦鎮東姚璞及姚和都擊敗猗之等於蒲
坂猗之遇害超石棄其衆奔潼關西魏大統三年
八月中軍大都督賀拔勝從周太祖攻弘農勝自陝
津先渡河東魏將高千遁勝追獲囚之下河北擒郡
守孫晏崔乂帳內都督尉遲綱從克河北郡唐天

寶十五載哥舒翰遇賊於靈寶西原崔乾祐先據險南薄山北阻河隘道七十里翰使王思禮寵忠等戰自以兵三萬登河北阜望之鳴鼓以助其勢官軍以道隘士卒如束又烟焰不能開目敗河北軍望之亦潰寶應元年僕固懷恩以回紇敗史朝義於西原轉戰石榴園老子祠賊再敗自相奔蹂死填尚書谷幾滿朝義輕騎走 金貞祐四年十月招射生獵戶練習武藝知土徑者分屯陝虢要地天興元年正月閏

鄉行省圖克坦烏登從號入陝援汴同華閬鄉諸州縣
軍糧數十萬斛備關船二百餘艘皆順流東下俄聞
元兵近糧皆不及載船悉空下復盡起州民運靈寶
硤石食粟游騎至殺掠不勝計又遣陝州觀察副使
兼規措轉運副使穆延蘇頁以船八十往運潼關閬
鄉糧行及靈寶北河夾灘義軍張信侯三集壯士三
百餘保老幼立水柵元將呼拉干齊乘淺攻之不能
克遇蘇葉船至即降元兵得此船遂破侯張殺戮殆

盡 元辛卯知平陽府李守賢構浮橋壬辰繇蒲津
南濟潼二月大破趙雄兵於芮城

絳州

張平據并州苻堅率衆討之以建節將軍鄧羗為前鋒
率騎五千據汾上堅至銅壁平盡衆拒戰為羗所敗
獲其養子蚝送之平懼乃降徙其所部三千餘戶於
長安 後魏孝昌二年六月絳賊陳雙熾聚衆反自
號始建王曲赦平陽建興正平三郡詔假鎮西將軍

都督長孫稚討平之 東魏以正平為東雍州遣薛
榮祖鎮之西魏建州刺史楊欒將謀取之乃先遣奇
兵急攻汾橋榮祖果盡出城中戰士於汾橋拒守其
夜欒率步騎二千從他道濟遂襲克之 周武帝將
出兵河陽以伐齊內史都上士宇文弼進策曰齊氏
建國於今累葉雖曰無道藩屏之寄尚有其人今之
用兵須擇其地河陽衝要精兵所聚盡力攻圍恐難
得志如臣所見彼汾之曲戍小山平攻之易拔用武

之地莫過於此上不納師竟無功建德五年大舉伐齊卒用激策周武帝伐齊將出河陽鮑宏曰往者屢出河陽彼既有備致每不捷如進兵由汾潞直掩晉陽出其不虞似為上策武帝不從卒無功 隋仁壽四年漢王諒餘黨據晉絳呂三州未下詔左武衛大將軍周羅睺進兵圍之為流矢所中遂卒於師旋平賊大業十一年山西河東慰撫大使李淵擊絳州賊柴保昌降其衆數萬人絳郡賊敬槃陀柴保昌等阻

兵數萬汾晉苦之詔民部尚書樊子蓋進討於時人物殷阜子蓋善惡無所分別汾水之北村塢盡焚之百姓大駭相率為盜其有歸者無少長悉坑之擁衆數萬經年不能破賊詔徵還唐高祖克霍邑進攻臨汾郡絳郡通守陳叔達拒守進攻克之獲陳叔達武德二年劉武周偕偽西南道大行臺宋金剛總兵二萬人寇次黃蛇鎮又連突厥鋒無前遂破榆次拔介州進圍太原詔遣太常少卿李仲文禦之為賊所

執舉軍沒仲文逃還賊因破平遙取石州殺刺史王
儉略浩州詔右僕射裴寂為晉州道行軍總管拒之
寂戰敗績齊王元吉委并州遁武周入據之遣金剛
攻陷晉州執右驍衛將軍劉弘基進破滄州夏縣人
呂崇茂殺其令自號魏王以應賊隋河東守將王行
本與武周合關中震動詔秦王督兵進討屯柏壁又
詔永安王孝基與于筠獨孤懷恩唐儉等攻夏縣不
克軍城南崇茂與武周將尉遲敬德襲破孝基軍四

將被執敬德還澧州王邀戰破之于美良川敬德復
與別帥尋相援王行本于蒲王又破却其軍蒲州降
上幸蒲津關王自柏壁輕騎謁行在金剛遂圍絳州
王還屯金剛引退武周攻李仲文于涪州不勝遣將
黃子英護餉道驃騎大將軍張德政襲斬之虜其衆
武周部將稍離金剛以糧道乏卒饑引去王追至雀
鼠谷日中八戰賊皆敗斬級數萬獲輜重千乘金剛
走介州官軍迫之以餘衆二萬出西門背城陣亘七

里王令李世勣程璿金秦叔寶為北軍翟長遜秦武通為南軍既戰小却王以精騎突擊破之金剛將輕騎去武周將尉遲敬德尋相張萬歲降收其精兵遂復介州武周引騎五百棄并州北走突厥金剛收散卒將還拒衆不為用亦以百騎奔突厥并州平河東地盡復上元初河中節度都統處置使李國貞治於絳尋加晉絳慈隰沁等州觀察處置使既至糧乏而所輸陳腐民貧不忍遽斂上書以聞而軍中謹謗突

將王振乘衆怨紹曰且畚鍤以待役事衆皆怒夜燒
牙門左右奔告請避之國貞曰吾被命為將其可棄
城乎固請乃逃獄中振引衆劫取之置食其前曰食
是而役其力可乎國貞曰爾等方討賊何事役為正
緣諸食腐儉已請諸朝吾何所負衆服其言且引去
振曰都統不死吾曹殆盡矣遂害之并殺其二子及
三大將有詔以郭子儀代之振謂且見德子儀怒曰
汝臨賊境而害主將賊若乘虛是無絳矣又欲為功

乎即斬以徇廣明中蒲絳民壁其地摩雲山避亂羣賊往攻之不克李罕之以百人徑拔之人號為李摩雲中和元年代北起軍使陳景思行至絳州沙陀軍亂大掠而還三年李克用代鄭從讜為河東節度使從讜行黃頭軍以糧少劫其貲從讜間走絳州方道梗不通數月乃達長安 晉絳慈隰節度使馬燧討李懷光率步騎三萬次于絳畧定諸縣降其將馮萬興任象玉遂圍絳拔外郭守將夜棄城去將四千人

遣李自良定六縣降其將辛統收卒五千裨將谷秀
違令掠士女斬以徇王珙王琮連兵河中攻王珂李
克用西討王行瑜攻下絳州斬刺史王瑤光啟中
李罕之攻州王友遇降之龍紀元年李存孝攻州取
之 後漢高祖至州刺史李從朗降之 宋靖康元
年金兵破城巷戰三日 金太宗時河東郡縣多叛
穀英以先鋒攻絳州克之興定二年十一月甲申河
東南路隰吉等州聽絳州元帥府節制十二月己亥

朔升絳州為晉安府總管河東南路兵降平陽為散
府河東路安撫使富察羅索復取平陽晉安三年十
一月戊午元兵下晉安府行元帥府事工部尚書鈕
祜祿貞死之四年三月僉樞密院事完顏薩布奉詔出
兵河北招降晉安權府事皇甫珪正平縣令席永珪
率五千餘人來歸得糧萬石時河北所在義軍官民
堅守堡寨力戰破敵者衆竇不上章言此類忠亦可
嘉若不旌酬無以激人心乞朝廷量加官賞萬一敵

兵復來將爭先効用矣上召樞密官曰朕與卿等亦嘗有此議以不見彼中事勢故一聽帥臣規畫今觀此奏甚稱朕意其令有司遷賞之四月遷樞密副使五年五月引兵救河東戰屢捷復晉安平陽二城五年五月壬寅陝西元帥完顏薩布遣使來獻晉安平陽之捷御史烏庫哩呼魯劾其縱將士虜掠上以薩布有功詔不問賞議亦寢元光元年七月庚戌元將按扎爾以其衆屯晉安翼州之境元己卯右副都

元帥史天倪從穆呼哩徇河東至絳州其團樓斃以
石牢不可破天倪命穴其旁地虛樓陷遂拔之以果
爾嘉達為元帥達嚕噶齊攻拔石隰州擊絳州克之
明洪武元年馮勝克平陽絳州十二月副將軍馮
宗異攻州克之擒元右丞田保徐伯昌獲將士五百
人

聞喜縣

春秋桓九年秋虢仲芮伯梁伯荀侯賈伯伐曲沃 晉

人克欒盈於曲沃盡殺欒氏之族黨欒魴出奔宋

周顯王四十七年秦伐魏取曲沃還 東晉咸和四

年秋七月石虎率衆二萬

晉載記作四萬

出軹關來攻河東

應之者五十餘縣進次蒲坂劉曜率中外精銳水陸

赴之自衛關北濟虎懼引師而退追之八月及於高

侯大戰破之斬將軍石瞻枕尸二百餘里收其資仗

以萬億計虎奔朝歌遂濟自大陽攻石生於金墉

通典高侯原在縣北即十六國劉曜破石勒將石季

龍處也 晉孝武帝太元十一年西燕人殺段隨東
至聞喜立慕容忠復稱帝 慕容永立慕容忠至聞
喜知慕容垂稱尊號託以農要弗集築熙城以自
固刁雲等又殺忠推永為大都督大將軍大單于雍
秦涼梁四州牧河東王稱藩於垂永以苻丕至平陽
恐不能自固乃遣使求丕假道還東丕不許率眾討
永永擊走之 後魏世祖時蓋吳作亂於關中汾陰
人薛永宗聚眾應之屢殘破諸縣來襲聞喜縣中先

無兵仗人情駭動縣令憂惶計無所出裴駿在家聞之便率厲鄉豪諸豪皆奮激請行駿乃簡驍勇騎數百人奔赴賊聞救至引兵退走唐北邙之敗懷州復陷李光弼渡河保聞喜李抱玉以兵寡棄河陽元癸未三月穆呼哩渡河還聞喜疾篤召其弟帶孫曰我為國家助成大業擐甲執銳幾四十年東征西討無復遺恨第恨汴京未下耳汝其勉之至正十八年曹濮賊分道踰太行焚上黨掠晉冀陷雲中鴈門

代郡烽火數千里復大掠南還察罕特穆爾先遣兵
伏南山隘自勒重兵屯聞喜絳陽賊果出南山縱伏
橫擊賊皆棄輜重走乃分兵屯澤州塞盩子城屯上
黨塞吾兒峪屯并州塞井陘口以杜太行諸道河東
悉定 明崇禎四年正月寧武總兵孫顯祖言聞喜
稷山賊二十餘萬日勦日益官兵不過二千奔逐不
支乞發京營或調邊騎夾勦命下所督便宜專制總
督張宗衡以兵餉竝乏竟不行九月山西賊入河北

犯濟源十二月甲午寧武總兵孫顯祖於河津稷山
聞喜等處與賊六戰俱捷

河津縣

晉獻公十六年伐滅耿 魏襄王六年秦取我汾陰皮
氏焦十二年秦公孫爰率師伐我圉皮氏翟章率師
救皮氏圉疾西風十三年城皮氏 惠王九年渡河
取皮氏十二年初臘會龍門十三年秦擊皮氏未拔
而解 秦昭王元年樗里子伐蒲解而去還擊皮氏

未降又去秦孝公二十三年與晉戰岸門 魏哀王
二年秦使樗里子取我曲沃走犀首岸門 漢建武
元年鄧禹自河東渡汾陰河入夏陽 明崇禎庚午
流賊犯樊村樓里諸鎮闖賊敗歸攻破清澗故鎮樊
村諸堡

稷山縣

明崇禎四年後流寇倚稷山為巢穴絳垣諸州邑騷然
分守河東道焦源溥練步卒五百人號黃虎將簡選

僧兵數百人騎兵僅百人善以少擊衆親臨戰陣手
刃兩巨寇擡營搜山寇遂遁賊點燈子自陝入山西
臨洮總兵曹文詔追之及於稷山諭降七百人點燈
子遁尋被獲伏誅

絳縣

明崇禎四年流寇入境五年大擾

國朝順治六年五月土賊入城十二月焚縣治七年二

月平

垣曲縣

襄公二十三年齊侯伐晉取朝歌為二隊入孟門登太

行張武軍於熒庭戍郛邵

縣志邵即垣曲

封少水

封晉尸於少水以為

京觀水經注少水即沁水

以報平陰之役乃還趙勝帥東陽之

師以追之獲晏釐秦昭王十六年大良造白起與

客卿錯攻垣城拔之

漢建安中張晟騎攻東垣

晉永和十一年十月秦王永敗於襄陵時苻纂奔苻

丕部下壯士三千餘人丕猜而忌之懼為纂所殺率

騎數千奔東垣揚威將軍馮該自陝要擊殺之 苻
健自枋頭西行至盟津起浮橋以濟遣弟雄率騎五
千入潼關兄子菁率衆七千自軹關入河東執菁手
曰若事不捷汝死河北我死河南不及黃泉無相見
也濟訖焚橋自統大衆繼雄而進遂擊破杜洪將張
光於潼關 後魏正光後別將裴慶孫敗山胡絳蜀
於齊子嶺乃深入二百餘里至陽胡城朝廷以此地
被山帶河衿要之所肅宗末遂立邵郡因以慶孫為

太守假節輔國將軍當郡都督民經賊亂之後率多
逃竄慶孫務安緝之咸來歸業東魏東雍州刺史
郭叔畧與西魏東徐州接境頗為邊患東徐州刺史
韓雄密圖之乃輕將十騎夜入其境伏於道側遣都
督韓仕於叔畧城東服東魏人衣服詐若自河陽叛
投關西者叔畧出馳之雄自後射之再發咸中遂斬
叔畧首周太祖攻拔弘農而自河以北猶附東魏
車騎將軍高梁楊擲父猛先為邵白水令擲與其豪

右相知請微行詣邵舉兵以應朝廷太祖許之擲遂行與土豪王覆憐等陰謀舉事密相應會者三千人內外俱發遂拔邵郡擒郡守程保及令四人竝斬之衆議推擲行郡事擲以因覆憐等成事遂表覆憐為邵郡守以功授大行臺左丞率義徒更為經畧於是遣諜人誘說東魏城堡旬月之間正平河北南汾二絳建州大寧等城竝有請為內應者大軍因攻而拔以擲行正平郡事左丞如故齊神武敗於沙苑其將

韓軌潘樂可朱渾元等為殿擲分兵要截殺傷甚衆
東雍州刺史馬恭懼擲威聲棄城遁走擲遂移據東
雍州邵郡民以郡東叛郡守郭武安脫身走擲又率
兵攻而復之東魏懷州刺史平鑒奏請於州西故
軹關道築城以防西軍從之俄而西魏將楊擲來攻
時新築之城糧仗未集素乏水南門內有大井隨汲
即竭鑒具衣冠俯井而祝至旦而井泉湧溢有異於
常合城取足揚示敵人將士既覩非常勇氣自立楊

櫟敗 武定末潘樂鎮河陽齊文宣以懷州刺史平
鑒等所築城深入敵境欲棄之樂以軹關要害必須
防固乃更修理增置兵將而還 齊天保元年十一
月周文帝至陝城分騎北渡至建州丙寅齊大宣帝
親戎出次晉陽城東周文聞文宣軍容嚴盛歎曰高
歡不死矣遂退師 周文東至峭陲遣其行臺侯莫
陳崇自齊子嶺趣軹關儀同楊櫟從鼓鐘道出建州
陷孤公戌詔司徒潘樂總大衆禦之樂繇河陽晝夜

兼行至長子遣儀同韓永興從建州西趣崇崇遂遁
河清二年四月尚書右僕射斛律光率步騎二萬
築勲掌城於軹關西仍築長城二百里置十三戍

周於邵郡置邵州以楊擲為刺史保定四年圍洛陽
詔擲率義兵萬餘人出軹關擲自鎮東境二十餘年
數與齊人戰每嘗克獲以此遂有輕敵之心時洛陽
未下而擲深入敵境又不設備齊人奄至大破擲軍
擲以衆敗遂降於齊建德四年北齊武平六年也

河州刺史劉雄從柱國李穆出軹關攻邵州等城拔之宋岳飛遣梁興渡河糾合忠義社取河東北州縣興會太行忠義及兩河豪傑趙雲李進董榮牛顯張峪等破金人於垣曲又捷於沁水追至孟州之邵原金張太保成太保等以所部降又破金高太尉兵于濟源遂取懷衛二州破宗弼軍斷山東河北金帛馬網之路金人大擾飛尋召還

志於垣曲以紀事始

金元光二

年高倫遷保格布寨

明成化癸卯甲辰大饑巨盜

劫掠萃至千餘人巡撫葉淇叅政劉世忠平陽知府
李琮諭平之崇禎三年十一月賊李興仁等八十餘
人假香客倏劫店頭村四年五月總兵曹文詔擊斬
王嘉孕班師至臯落鞍子嶺遇少陵僧兵誤鬪久之
乃解七月賊數百自陽城至北山退坂壯丁劉澤盛
等入深谷勦之多傷五年十二月賊掃地王一斗穀
混天王自絳縣巢劉張臯落回村二十餘處陽和總
兵尤世祿勦之斬三百級賊東走六年正月賊千餘

自濟源掠趙家堽望仙莊義兵郭可充等戰沒二月
賊千餘屯南山胡家峪典史秦宗文鄉勇劉俊民等
追至聞喜石峽入幽谷夜半賊襲俊戰死賊萬餘自
絳縣掠邢馬南羊三月賊五千自平陸掠王家嶺守
東道葉廷桂駐垣曲川將蔣守備閻振國擊之斬一
百三十級賊走援勦山西守備賀人龍敗賊垣曲絳
縣又連破賊水頭鎮花池寨湯湖村會山西賊幾盡
乃還陝六月丙寅河北賊圍湯陰林輝涉安諸邑別

賊自陽城垣曲來合於濟源七月五日賊數十餘萬
自濟源來堡寨盡失圍城七晝夜知縣段自宏固守
總兵曹文詔兵至皋落鎮遇賊塘馬斬首五十級賊
懼而遁文詔兼程襲之十一月南渡河七年春饑民
聚六郎寨歪頭山撫之冬賊在河南欲乘冰北渡叅
將猛如虎大威扼之河濱十六年陝西總督孫傳
庭兵駐河南府連雨饑困繇孟津北渡過垣曲奔陝
遣總兵高傑守潼關而關已破

國朝順治元年九月賊數萬屯城北高地專攻西北二門砲擊塌北門甕城徑上垣夜半破大樓二年三月大兵討平之

吉州

漢中平五年七月南部與白波賊寇河東六年十月白波賊寇河東 晉升平二年姚襄遣姚闡王欽等招動定陽并州衆二萬七千進據黃洛 後魏永平四年正月汾州劉龍駒聚衆反詔諫議大夫薛和率衆

討之正光五年十一月汾州正平平陽山寇叛詔章武王融為大都督以討之孝昌元年十二月劉蠡升反自稱天子置官僚東魏天平二年三月齊獻武王平劉蠡升復破擒其子南海王西海王并逋逃二萬餘戶元象元年正月大都督賀拔仁攻寶炬南汾州己卯拔之大統三年右軍大都督李弼與中軍大都督賀拔勝攻尅河東略定汾絳汾州之北離石以南悉遭抄掠居人阻斷河路周勲州刺史韋孝寬深

患之而地入於齊無方誅翦欲當其要處置一大城
恭帝二年乃於河西徵役徒十萬甲士百人遣開府
姚岳監築之岳以兵少為難孝寬曰計成此城十日
即畢既去晉州四百餘里一日創手二日偽境始知
設令晉州徵兵二日方集謀議之間自稽三日計其
軍行二日不到我之城隍足得辦矣乃令築之齊人
果至南首疑有大軍仍停留不進其夜又令汾水以
南傍介山稷山諸村所在縱火齊人謂是軍營遂收

兵自固版築克就如其言 周冢宰宇文護令中外
府水曹叅軍郭榮於汾州觀形勢時汾州與姚襄鎮
相去懸遠榮以爲二城孤迴勢不相救請於州鎮之
間更築一城以相控攝護從之俄而齊將段孝先攻
陷姚襄汾州二城惟榮所立者獨能自守齊段孝先
攻汾州周宇文護作浮橋出兵渡河與孝先戰孝先
于上流縱大筏以擊浮橋護令榮督便水者引取其
筏以功授大都督 周天和六年北齊武平二年也

齊段韶圍汾州周刺史楊敷固守韶曰城三面重澗
皆無走路惟慮東南一道耳精兵專守此必成擒令
壯士千餘伏東南澗口會敷糧盡走伏起擒之遂取
汾州大司馬齊王憲率衆出自龍門齊將新蔡王康
德潛軍宵遁憲乃渡河攻其伏龍等四城二日盡拔
又攻張壁克之斛律明月時在華谷弗能救乃北攻
姚襄城陷汾州又見圍日久憲遣柱國宇文盛運粟
饋之憲自入兩乳谷襲克齊伯杜城使柱國譚公會

築石殿城以為汾州之援齊平原王段孝先蘭陵王
高長恭引兵大至大將軍韓歡為齊人所乘遂退憲
身自督戰齊軍稍却會日暮乃各收軍譙王儉為行
軍總管與齊王憲討天柱於河東儉攻破之斬首三
千級宣政元年九月汾州劉受邏千舉兵反詔上柱
國越王盛為行軍元帥率衆討平之唐天復元年
晉周德威李嗣昭取慈州二年復陷德威復取之
金興定三年遣近侍局直長溫屯伯嘉努刑部侍郎

鄂屯呼實哈徙吉州之民於丹州以避兵絳州民重
遷遮道控訴伯嘉努令召晉安兵將護老幼以行衆
意兵至必見強乃譟入州署殺伯嘉努呼實哈畏禍
徇衆與會飲歌樂盡日衆肩輿導擁護呼拜謝而去
後治罪金末年於牛心寨僑置吉州吉隰便宜經略
使楊貞守之元破寨貞闔室墜崖貞墜河 元己卯
權兵馬都元帥史天祥下河東平陽河中寄嵐絳石
隰吉寧等八十餘城己卯詔舒穆魯額森以黑軍分屯

太原平陽隰吉岢嵐諸郡所將皆猛士衣黑為號故
曰黑軍庚寅關中兵屯吉州晉領楊鐵鎗以數千人
叛河東南路都元帥李守正出兵擒之 明崇禎三
年正月賊王嘉孕陷府谷他賊入山西犯吉州襄陵
太平曲沃十六年高傑渡河屯紫州境數日焚毀村
舍十二月闖賊陷州

國朝順治元年十月 大兵至黑龍關魏敏起義兵初
十日破城偽知州潛遁六年五月魏敏為亂八月陷

城七年二月平

鄉寧縣

晉惠公時狄取狐廚涉汾 周保定中離石生胡數寇
汾北勲州刺史韋孝寬於險要築城置兵糧以遏其
路建德五年北齊武平七年也十一月東伐趙王招
率兵出稽胡令行軍總管韋孝寬圍守華谷以應接
之孝寬克其四城

隰州

元魏天賜元年遣離石護軍劉託率騎三千襲蒲子

隋大業十三年七月癸丑唐高祖發太原甲寅遣將

張綸徇下離石龍泉文城三郡唐天復元年六月

晉周德威李嗣昭取隰州二年汴取隰州周德威復

取之北漢乾祐四年二月攻隰州周刺史許遷遣

步軍都指揮使孫繼業迎擊於長壽村執北漢牙將

殺之未幾復薄州城攻數日不克遂引還後周顯

德五年北漢天會二年也都監閑廐使李謙溥謂節

帥楊廷璋曰大寧咽喉要地不可闕守廷璋署謙溥
權州事并人數千騎來寇時方盛暑謙溥單衣持扇
登城徐步并人退舍旬餘復來攻募敢死士夜縋出
城會廷璋兵夾攻掩其不及并人悉衆遁周世宗
時隰州刺史孫議卒建雄節度使楊廷璋遣監軍李
謙溥領州事謙溥至并人來攻城議者以為宜速廷
璋曰隰州城壁堅完并人奄至未能為攻城具當出
奇以破之乃募敢死士百餘人許以重賞由間道遣

人約謙溥為內應既至銜枚夜擊城中鼓譟出并人大潰追北數十里斬千餘級獲器甲萬計 宋建隆二年北漢天會六年也四月命郭進控西山武守琪戍晉州李謙溥守隰州以備北漢五月隰州巡檢使李謙溥拔北漢七砦辛丑晉隰巡檢穆彥璋入河東俘二千餘人景德元年石隰州言河西蕃族四十五族首領率屬內附 金興定二年八月戊辰元兵取隰州三年軒成保隰州招撫使胡天祚請增置要害

州縣以分其勢乃升蒲縣為州轄大寧件城鎮為縣
五年元兵由丹州渡河圍隰克之元光元年十月牛
心寨僑治吉州穆呼哩自隰州攻拔之己卯穆呼哩
以瓜爾佳達為元帥攻拔石隰州擊絳州克之庚辰
穆呼哩由葭州渡河西行北路都元帥哈喇巴圖迎
之道破隰州及懸窰地洞諸寨辛巳十月金復取隰
州以軒成為經畧使己卯秋八月穆呼哩復由丹州
渡河圍隰克之留合尹統蒙古軍鎮石隰間以田雄

權元帥府事軒成據隰州元河東南路兵馬都元帥
李守正往擊之中矢傷足 明崇禎三年陝賊至隰
州瓦窰鋪五年八月自大寧襲破隰州四年八月賊
點燈子還陝西黃龍山他部陷隰州蒲州命許鼎臣
巡撫山西七年陝西都司僉書賀人龍擊賊隰州擒
尅天虎

國朝順治六年水頭鎮土賊王登憲等陷州官兵勦平
之

蒲縣

周宣王三十八年晉人敗北戎於汾隰

志於蒲以概汾隰

梁襄

王七年秦降我蒲陽

景湣王三年秦拔我垣陽衍

漢建安二十一年七月南單于南部居蒲子晉

永興三年劉元海據河東攻蒲阪平陽皆陷之入都

蒲子河東平陽屬縣壘壁盡降後魏永興五年河

西曹龍張大頭等各領部衆二萬入蒲子唐天復

二年周德威李嗣昭進攻晉絳大敗於蒲縣梁軍乘

勝破汾慈隰三州遂圍大原 朱全忠屯鳳翔李克
用襲絳州攻臨汾全忠晉慈觀察使氏叔琮以二壯
士類沙陀者牧馬于原與克用軍偕行伺隙各擒一
虜還克用大驚疑有伏遂退屯蒲會朱友寧以兵三
萬來援叔琮曰賊遁矣無以立功乃潛師夜獵游騎
殺數百進破其壘俘斬萬級收馬三千遂長驅取汾
州轉戰薄太原而還 晉兵退屯於蒲縣梁太祖遣
朱友寧兵萬人會氏叔琮禦晉友寧欲休兵以待叔

琮曰敵聞救至必走走則何功耶乃夜擊之晉人大敗逐之至於太原 明崇禎三年四月流賊王子順苗美陷蒲縣山西自河曲至蒲津千五百里俱鄰陝河最狹賊自神木渡河陷蒲已分三部東犯趙城洪洞汾霍西掠石樓永和吉陽賊首自號橫天一字王四月二十八日陝賊王家徹破城四年點燈子渡河副將曹文詔襲其後一戰於金定支村再戰於百家原復戰於明山點燈子殲黨衆潰散五年七月闖賊

李自成八大王老猢猻紫金梁翻山鷄等集蒲境攻
城三晝夜不能克是夜賊令三百精銳襲大寧甫三
鼓城陷次日賊逸六年七月土寇張喜春豐二豐三
等盤踞東山百餘里叅將虎大威勦不能克後招安
始息

國朝順治六年土賊劉嗣向及永和賊衛敏隰州水頭
鎮賊王登憲等陷城討平之

大寧縣

姚襄戰伊水北為桓溫所敗率麾下數千騎奔於北山
屯據陽鄉百姓多從之尋從北屈將圖關中進屯杏
城 周天和六年北齊武平二年也汾州被圍齊王
憲遣大宗伯宇文盛運粟給之仍赴姚襄城受憲節
度齊將段孝先率兵大至盛力戰孝先退乃築大寧
城而還建德四年北齊武平六年也閏十月齊將尉
相貴寇大寧延州總管王慶擊走之 宋真宗時石
隰部署耿全斌率兵入伏洛關誘蕃部來歸者數千

人 明崇禎五年七月流賊陷城

永和縣

魏神瑞元年二月夏赫連屈牙侵蒲子三城護軍張昌
要擊走之西夏侵蒲子渡河入永和關 魏高祖時
吐京反自號辛支王西臺直後奚康生為軍主從章
武王彬討之辛支遣精騎一千邀路斷截康生率五
百人拒戰破之追至石羊城斬首三十級彬甲卒七
千與對戰分為五軍四軍俱敗康生軍獨全遷為統

軍率精騎一千追至車突谷詐為墜馬敵皆謂死爭
欲取之康生騰騎奮矛殺傷數十人辛支輕騎退走
去康生百餘步彎弓射之應弦而死因俘其牛羊駝
馬以萬數 明崇禎三年五月二十七日西賊扒山
虎五百餘人攻入城晉疆首陷四年流賊點燈子率
衆數千至城下分巡河東道郭守城賊攻不能克

國朝順治六年陝賊龐武生三百人陷城典史鍾夢豹
死之士賊衛敏等陷吉隰蒲永城康熙十三年賊王

祥等百餘人攻城邑王居中單刀擒賊首張桂陰任
俊子賊衆遂潰

山西通志卷五十五

欽定四庫全書

山西通志卷五十六

驛站

遞馬而傳之曰驛益以牛益以驢益以車運以鋪兵
督以郵吏飛符傳命戒稽緩也驛站之設誠為經國
要務矧三晉北拱

神京西通秦蜀九達之衢較諸他省尤重其間衝僻繁
簡因時損益要當各殫厥職以無負牧圉之任志驛

站

後漢輿服志驛馬三十里一置

劉昭注按東晉猶有郵驛共置承受傍郡縣文

書有郵有驛行傳以相付縣條所受書每月言上州郡

置屋二區有丞驛吏皆風俗通今吏郵書掾府

督郵職掌此

唐有館驛使司驛務成德行營招討處置使吐突承璀

討王承宗內寺伯宋惟澄曹進玉為館驛使自河南

陝西河陽惟澄主之京華河中至太原進玉主之

宋縣置巡轄馬遞鋪官

金制省遞勅遞有合遞文字則牌送各部付馬鋪轉遞
日行二百五十里如臺部別奉旨文字亦給如上制
泰和六年置遞鋪其制該軍馬路十里一鋪鋪設四
人內鋪頭一人鋪兵三人以所轄兵射糧軍內差充
腰鈴日行三百里凡元帥府六部文移以勅遞省遞
牌子入鋪轉遞傳遞果子夫日一百五十文

元制扎齊者驛傳之名也凡站陸則以馬以牛或以驢
或以車而水則以舟其給驛傳璽書謂之鋪馬聖旨

遇軍務之急則又以金字圓符為信銀字者次之內則掌之天府外則國人之為長官者主之其官有驛令有提領又置托克托和斯於關會之地以司辨詰皆總之於通政院及中書兵部而站戶闕之以時簽補且加賑恤焉至元八年正月中書省議鋪馬劄子初用蒙古字各處札木齊未能盡識宜繪畫馬匹數目復以省印覆之庶無疑惑因命令今後各處取給鋪馬標附文籍其馬匹數付驛史房書寫畢就左右司用墨

印印給馬數目省印印訖別行附籍發行墨印左右
司封掌至元二十六年四月給太原府宣慰司及儲
峙提舉司鋪馬聖旨二道九月增給西京宣慰司鋪
馬劄子五道 急遞鋪之設所以達四方文書之往
來世祖時自燕京至開平府復自開平府至京兆驗
地里遠近人數多寡立急遞站鋪每十里或十五里
二十五里則設一鋪於各州縣所管民戶及漏籍戶
內僉起鋪兵中統元年詔隨處官司設傳遞鋪驛每

鋪設鋪丁五人各處縣官置文簿一道遇有傳遞文
字當傳鋪所即注名件到鋪時刻及所轄轉遞人姓
名置簿令轉送人取下鋪押字交收時刻還鋪本縣
官司時復點刷稽滯者治罪鋪兵一晝夜行四百里
明山西驛遞銀歲徵五十四萬兩隆慶初巡撫楊巍請
減四之一

國朝晉省原額衝僻共五十六驛共馬騾二千九百七
十一匹頭二馬一夫共馬夫一千四百八十五名半

十二邊站共馬騾三百九匹頭共馬夫一百五十四名半此項邊站夫馬工料係在驛道衙門奏銷其夫馬係營員經管

十軍站馬五百八十二匹夫二百九十一名

以上驛站三項共馬騾三千八百六十二匹頭馬夫共一千九百三十一名

雍正四年為敬陳管見事議將各省驛馬宜增宜減晉省各驛奉減馬二百六十匹夫一百三十名議增

馬五十二匹夫二十六名雍正六年以大同府屬之蔚州併原額馬三十一匹馬夫一十五名半厰夫二十名改歸直隸宣化府管轄雍正八年將營員管理之十軍站并十二邊站夫馬俱改歸就近州縣管理雍正九年奉文於平定州屬甘桃鋪適中之地添設腰站設驛丞一員驛書一名皂隸二名馬六十匹馬夫三十名建蓋衙署房舍棚厰雍正十年奉文於壽陽縣添設腰站馬六十匹馬夫三十名即歸該縣管

理將片泉驛移近於平定州之測石舖仍隸孟縣管轄

以上除裁減并改歸直隸夫馬外實在新舊共五十七驛十二邊站十軍站共馬騾三千五百三十一匹馬夫一千七百六十五名半共歲支工料等項銀一十萬一千三百八十八兩零六分六釐九毫五絲一忽八微七纖九沙三塵二渺四埃內遇閏加支銀八千四百四十九兩五釐五毫七絲九

忽三微二纖三沙二塵七渺七埃

衝驛并衝軍站每馬一匹日支草料等項銀六分
六釐五毫馬夫每名日支工食銀三分五釐

僻驛并僻軍站每馬一匹日支草料等項銀六分
馬夫每名日支工食銀三分

十二邊站每馬一匹日支草料等項銀五分一釐
零至四分一毫馬夫每名日支工食銀三分

晉省舊設驛丞四十一缺雍正九年奉文將在城之陽

曲等縣臨汾等驛驛丞一十九員裁汰驛站事宜均
歸州縣管理其驛丞在城外離城寫遠之陽曲等縣
成晉等二十二驛仍留驛丞專管雍正九年吳城青
龍二驛驛丞奉裁

晉省驛傳向俱冀寧道管理雍正十年奉文將通省驛
站并鋪司照各所轄地方三道分管其鴈平道所管
之平定州一屬改歸冀寧道管轄通省驛站錢糧仍
屬冀寧道支收報銷如遇抽撥協濟馬匹之事須酌

量通省驛站之衝僻從長計議亦冀寧道酌撥平刑
邊站聚樂軍站胥改為驛另設驛丞專管

晉省原額各驛站廠所損轎接遞甲皂等夫共五千四
百八十九名雍正三年奉裁夫二千四百四十九名
議增夫一百二十八名共存夫三千一百六十八名
雍正六年奉文將蔚州并原額廠夫二十名改歸直
隸雍正八年奉文將營員所管軍邊二十二站夫三
百七名改歸就近州縣管理雍正十年奉文裁夫六

百二十二名

以上除奉裁并改歸直隸外實在現存廠所夫二千八百三十三名各支工食不等

共歲支工食銀三萬三百五十一兩四錢八分九釐六毫五絲四忽一微八纖六沙五埃五漠遇閏加支銀二千三百八十五兩一錢九分四釐七毫一絲二忽七微三纖一沙八渺四埃一漠

晉省現在五十九驛十一邊站九軍站驛丞二十三缺

原屬州縣經管者一十四驛

奇嵐州永寧驛僻逋汾陽縣汾陽驛稍衝靜樂縣康
家會驛僻逋永寧州玉亭驛僻逋沁州沁陽驛稍衝
內有沁源縣協濟應州安銀子驛次衝渾源州上盤
鋪驛稍衝懷仁縣西安驛次衝山陰縣山陰驛次衝
靈邱縣太白驛次衝廣靈縣馬廠驛僻逋馬邑縣廣
武驛稍衝廣昌縣香山倒馬二驛僻逋

原屬驛丞經管今奉裁歸併州縣者二十一驛

陽曲縣臨汾驛極衝徐溝縣同戈驛極衝內有太谷
清源文水交城四縣協濟祁縣賈令驛極衝靈石縣
瑞石驛極衝霍州霍山驛極衝內有趙城縣協濟洪
洞縣普潤驛極衝臨汾縣建雄驛極衝內有襄陵縣
協濟聞喜縣凍川驛極衝內有絳稷二縣協濟臨晉
縣樊橋驛極衝內有虞鄉縣經管馬二十六匹馬夫
一十三名廩夫三十名永濟縣河東驛極衝內有滎
河平陸芮城三縣協濟大同縣甕城驛稍衝長子縣

漳澤驛稍衝屯留縣余吾驛稍衝平遙縣洪善驛極衝介休縣義棠驛極衝永寧州吳城驛僻逋青龍驛僻逋鳳臺縣太行驛稍衝平定州平潭驛極衝忻州九原驛次衝代州鴈門驛次衝太平縣史村廠極衝朔平府朔州廠次衝

舊設現在驛丞管理者二十驛

陽曲縣成晉驛次衝凌井驛僻逋祁縣盤陀驛稍衝榆次縣鳴謙驛極衝曲沃縣蒙城驛極衝內有絳州

翼城縣協濟侯馬驛極衝內有太平縣協濟靈石縣
仁義驛極衝係汾西隰州浮山岳陽鄉寧五州縣協
濟襄垣縣褊亭驛稍衝鳳臺縣星軹驛稍衝高平縣
長平驛稍衝喬村驛稍衝遼州南關驛稍衝武鄉縣
權店驛稍衝壽陽縣太安驛極衝樂平縣栢井驛極
衝孟縣芹泉驛極衝繁峙縣砂澗驛僻遞三泉廠安
邑縣泓芝驛極衝崞縣原平驛次衝閭泥驛僻遞

新設州縣管理者一驛

壽陽縣壽陽驛極衝

新設驛丞管理者三驛

平定州甘桃鋪驛極衝大同縣聚樂軍站今改為驛
極衝繁峙縣平刑邊站今改為驛僻逋

軍站九

大同縣大同軍站極衝陽高縣陽和軍站極衝天鎮
縣天城軍站極衝左雲縣左雲軍站極衝高山軍站
極衝右玉縣右玉軍站極衝威遠軍站僻逋平魯縣

平魯軍站次衝井坪軍站次衝

邊站十一

寧武縣寧武邊站僻逋寧化邊站僻逋偏關縣偏關
邊站僻逋水泉邊站僻逋老營邊站僻逋神池縣神
池邊站僻逋利民邊站僻逋八角邊站僻逋五寨縣
五寨邊站僻逋三岔邊站僻逋代州廣武邊站僻逋
以上除廠所夫二千八百三十三名外共馬騾三
千五百三十一匹頭共馬夫一千七百六十五名

半

舊塘站

康熙三十五年奉文安設各站馬九百五十一匹內
除天城等站原額馬五百六十八匹外抽撥各驛馬
三百八十三匹續奉撤回陽和東三十里鋪等腰站
共馬一百五十二匹變價充餉其抽撥各站馬二百
三十一匹仍留正腰各站

新塘站

康熙五十四年奉文經議政大臣會議西寧嘉峪關等處現今有事應於此二路仍照舊例將安站馬匹坐臺筆帖式速行設立等語查先經設立軍站俱於四百里設立一站今次仍照前於四百里設立一站之例自京城由沿邊以至莊浪設立六站自莊浪至嘉峪關設立四站自莊浪以至西寧設立一站每站安設筆帖式一員撥什庫二名令其馳送緊急軍務至四百里設立一正站路程遙遠應於適中之處每

三十里設立一腰站每正站設馬八十匹腰站設馬四十匹如本驛馬匹不敷將僻遠馬匹竝附近營馬抽撥協濟將此設立驛站之處移咨直隸山西陝西甘肅巡撫安設等因隨遵於大同前衛三岔堡設二正站枳兒嶺天城站陽和東三十里鋪綉女村懷仁縣薛家庄鹽豐營岱岳上西河村馬邑縣朔州梨園頭大水口神池義井仁義村韓家樓李家溝沙泉年延村保德州共二十五處俱設為腰站又沙泉西十

里紅崖頭安馬二十匹作一小腰站以上正站各安設馬八十匹腰站各安馬四十匹紅崖頭安馬二十匹共安設馬一千一百八十匹於通省驛站馬內抽撥雍正五年為遠夷效順等事奉議康熙五十四年軍興枳兒嶺至保德州又大同至殺虎口安設臺站馬匹議減馬三百一十匹請留九十九匹等因查雲岡等三站原設馬六十匹外實抽撥各驛馬共一千二百四十匹但敬陳管見等事案內有晉省議裁馬

二百八匹應令該撫變價充餉其餘一千二十三匹
撤回各驛應差雍正六年十一月奉文將晉省所設
臺站馬匹撤回雍正七年為沿邊口外均應照例添
設驛站等事自大同府枳兒嶺天城陽和東三十里
鋪陽和城王官人屯聚樂城大同東三十里鋪大同
城綉女村懷仁縣薛家庄鹽豐營岱岳上西河村馬
邑縣朔州梨園頭大水口神池堡義井村三岔堡韓
家樓李家溝沙泉紅崖頭年延村保德州直接陝西

共安設腰站二十八處於通省衝僻各驛站抽馬一千一百匹馬夫五百五十名分派於各腰站俟大兵凱旋撤回於枳兒嶺陽和東三十里鋪王官人屯大同城薛家庄上西河梨園頭三岔堡年延村等八處安設兵臺八臺每臺千總一員跟役二名把總一員跟役一名賚送往來咨報事件半年一換於撫標大同鎮標各營把總內派委其腰站夫馬有無疲瘦缺少分派朔平府糧餉同知大同府糧捕通判寧武府

鹽捕同知各分管稽查其兵臺員役馳送事件有無
遲悞磨損分派大同鎮委員總理稽查雍正九年為
緊急軍務等事因殺虎口一路緊急報匣公文絡繹
復設臺站自大同府城雲岡高山站雲西左雲站牛
心山右玉縣共安設腰站七處於大同左雲高山右
玉等站內撥馬二百一十匹馬夫一百五名分派於
各腰站俟大兵凱旋撤回各驛又於大同右玉雲西
三處安設兵臺每臺派千總一員跟役二名把總一

員跟役一名半年一換專遞殺虎口一路經由報章將右玉左雲等六處塘站歸於朔平同知大同一處塘站歸於大同通判各分管稽查其臺弁大同鎮委員總理稽查雍正十年為站遠難以馳送等事於陽和東三十里舖添設兵臺一處另派千把二員將陽和城原安兵臺千把移於王官人屯

太原府

陽曲縣臨汾驛設馬騾一百六匹頭馬夫五十三名

歲支銀三千二百五兩四錢四分

臨汾遞運所設夫二百一名雍正三年十月奉文裁
二十一名實存一百八十名歲支銀一千七百九
十五兩六錢六分三釐零

成晉驛設馬騾三十三匹頭馬夫一十六名半歲支
銀八百九十一兩

成晉廠設夫五十名雍正十年六月奉文裁二十名
存三十名歲支銀二百九十二兩二分零

凌井驛設馬騾一十二匹頭馬夫六名歲支銀三百二十四兩廠夫二十名雍正十年六月奉文全裁榆次縣鳴謙驛設馬騾七十九匹頭馬夫三十九名半歲支銀二千三百八十八兩九錢六分

鳴謙廠設夫九十名歲支銀八百九十五兩二錢七分二釐零

祁縣賈令驛設馬騾七十匹頭馬夫三十五名歲支銀二千一百一十六兩八錢

賈令廠設夫九十名歲支銀九百一兩四分六釐零
盤陀驛設馬騾二十匹頭馬夫一十名歲支銀五百
四十兩

盤陀遞運所設夫六十名雍正十年六月奉文裁二
十五名實存夫三十五名歲支銀三百三兩三錢
一分一釐零

徐溝縣同戈驛設馬騾五十七匹頭馬夫二十八名
半歲支銀一千七百二十三兩六錢八分

太谷縣協濟馬四匹馬夫二名歲支銀一百二十兩
九錢六分

清源縣協濟馬騾一十匹頭馬夫五名歲支銀三百
二兩四錢

交城縣協濟馬騾七匹頭馬夫三名半歲支銀二百
一十一兩六錢八分

文水縣協濟馬騾一十一匹頭馬夫五名半歲支銀
三百三十二兩六錢四分

同戈遞運所設夫一百八十名歲支銀一千六百二十八兩二錢七分三釐零

苛嵐州永寧驛設馬騾一十五匹頭馬夫七名半歲支銀四百五兩厥夫二十名雍正十年六月奉文全裁

平陽府

臨汾縣建雄驛設馬騾五十五匹頭馬夫二十七名半歲支銀一千六百六十三兩二錢

襄陵縣協濟馬騾二十七匹頭馬夫一十三名半歲
支銀八百一十六兩四錢八分

建雄遞運所設夫九十名歲支銀一千七十五兩六
錢一分二釐零

洪洞縣普潤驛設馬騾七十二匹頭馬夫三十六名
歲支銀二千一百七十七兩二錢八分

普潤廠設夫九十名歲支銀一千五十八兩三錢五
分三釐

太平縣史村廠設夫九十名歲支銀一千二百六十
七兩三錢二分五釐零

曲沃縣蒙城驛并翼城絳州協濟設馬騾七十九匹
頭馬夫三十九名半歲支銀二千三百八十八兩
九錢六分

侯馬驛設馬騾七十九匹頭馬夫三十九名半歲支
銀二千三百八十八兩九錢六分

侯馬遞運所設夫九十名歲支銀一千一百七十一

兩六錢二分二釐零

靈石縣瑞石驛設馬騾七十九匹頭馬夫三十九名
半歲支銀二千三百八十八兩九錢六分

瑞石遞運所設夫九十名歲支銀一千一百六十八
兩二錢一分七釐零

仁義廠設夫九十名歲支銀一千三十一兩八錢五
分四釐零

汾西縣仁義驛并浮山岳陽隰州鄉寧協濟馬騾七

十九匹頭馬夫三十九名半歲支銀二千三百八十八兩九錢六分

霍州霍山驛設馬騾三十八匹頭馬夫一十九名歲支銀一千一百四十九兩一錢二分

趙城縣協濟馬騾四十一匹頭馬夫二十名半歲支銀一千二百三十九兩八錢四分

霍山遞運所設夫九十名歲支銀九百五十三兩三錢七分二釐零

潞安府

長子縣漳澤驛設馬騾二十五匹頭馬夫一十二名
半歲支銀六百七十五兩

固益遞運所設夫五十名雍正十年六月奉文裁十
五名實存夫三十五名歲支銀二百三十一兩三
錢七分九釐零

屯留縣余吾驛設馬騾二十五匹頭馬夫一十二名
半歲支銀六百七十五兩

余吾遞運所設夫五十名雍正十年六月奉文裁十
五名實存夫三十五名歲支銀二百六十二兩四
錢四分八釐零

襄垣縣褙亭驛設馬騾二十五匹頭馬夫一十二名
半歲支銀六百七十五兩

褙亭遞運所設夫六十名雍正十年六月奉文裁夫
二十五名實存夫三十五名歲支銀二百六十一
兩二分二釐零

汾州府

汾陽縣汾陽驛設馬騾三十匹頭馬夫一十五名歲
支銀八百一十兩廠夫二十名歲支銀一百四十
四兩

平遙縣洪善驛設馬騾七十九匹頭馬夫三十九名
半歲支銀二千三百八十八兩九錢六分

洪善廠設夫九十名歲支銀一千二百二兩三錢九
分八釐零

介休縣義棠驛設馬騾七十九匹頭馬夫三十九名
半歲支銀二千三百八十八兩九錢六分

義棠廠設夫九十名歲支銀一千一百二十三兩五
錢九分一釐零

永寧州玉亭驛設馬騾一十五匹頭馬夫七名半歲
支銀四百五兩

青龍渡廠夫二十名雍正十年六月奉文全裁

吳城驛設馬騾一十五匹頭馬夫七名半歲支銀四

百五兩

青龍驛設馬騾一十五匹頭馬夫七名半歲支銀四百五兩

大同府

大同縣甕城驛設馬四十匹馬夫二十名歲支銀一千八十兩

廠設夫二十名歲支銀二百七十三兩

大同軍站設馬七十匹馬夫三十五名歲支銀二千

一百一十六兩八錢

廠設夫三十名歲支銀二百九十九兩二錢七分七

釐零

聚樂驛設馬七十匹馬夫三十五名歲支銀二千一

百一十六兩八錢

廠設夫二十名歲支銀一百九十九兩五錢一分八

釐零

懷仁縣西安驛設馬三十五匹馬夫一十七名半歲

支銀九百四十五兩

廠設夫二十名歲支銀一百九十八兩一錢四分二

釐零

山陰縣山陰驛設馬二十五匹馬夫一十二名半歲

支銀六百七十五兩

廠設夫二十名歲支銀二百六十八兩七錢六分九

釐零

應州安銀子驛設馬三十六匹馬夫一十八名歲支

銀九百七十二兩

廠設夫二十名歲支銀一百九十八兩七錢八分五釐零

渾源州上盤驛設馬一十八匹馬夫九名歲支銀四百八十六兩廠夫二十名雍正十年六月奉文全裁

靈邱縣太白驛設馬三十四匹馬夫一十七名歲支銀九百一十八兩廠夫二十名雍正十年六月奉

文全裁

廣靈縣馬廠設馬二十匹馬夫十名歲支銀五百四十兩廠夫二十名雍正十年六月奉文全裁

廣昌縣香山倒馬二驛設馬四十一匹馬夫二十名半歲支銀一千一百七兩廠夫二十名雍正十年六月奉文全裁

陽高縣陽和軍站設馬七十匹馬夫三十五名歲支銀二千一百一十六兩八錢

廠設夫二十名歲支銀一百九十九兩五錢一分八釐零

天鎮縣天城軍站設馬七十匹馬夫三十五名歲支銀二千一百一十六兩八錢

廠設夫二十名歲支銀一百九十九兩五錢一分八釐零

朔平府

右玉縣右玉軍站設馬七十匹馬夫三十五名歲支

銀二千一百一十六兩八錢

廠設夫二十名歲支銀一百九十九兩五錢一分八釐零

威遠軍站設馬三十六匹馬夫一十八名歲支銀九百七十二兩廠夫二十名雍正十年六月奉文全裁

馬邑縣廣武驛設馬三十四匹馬夫一十七名歲支銀九百一十八兩

廠設夫二十名歲支銀一百三十二兩四錢六分一釐零

朔州廠設夫二十名歲支銀一百九十九兩三錢三分零

左雲縣左雲軍站設馬七十匹馬夫三十五名歲支銀二千一百一十六兩八錢

廠設夫二十名歲支銀一百九十九兩五錢一分八釐零

高山軍站設馬七十匹馬夫三十五名歲支銀二千一百一十六兩八錢

廠設夫二十名歲支銀一百九十九兩五錢一分八釐零

平魯縣平魯軍站設馬三十五匹馬夫一十七名歲支銀九百三十九兩六錢廠夫二十名雍正十年六月奉文全裁

井坪軍站設馬二十一匹馬夫一十名歲支銀五百

六十一兩六錢廠夫二十名雍正十年六月奉文
全裁

寧武府

寧武縣寧武邊站設馬三十匹馬夫一十五名歲支
銀七百一十六兩九錢六分零

廠設夫一十六名歲支銀一百五十八兩五錢六分
三釐零

寧化邊站設馬二十四匹馬夫九名半歲支銀四百六

十三兩八錢七分零
啟夫一十六名
雍正十年六月奉文全裁

偏關縣偏頭邊站設馬三十匹
馬夫一十五名
歲支銀七百一十六兩八錢九分零

廠設夫一十六名
雍正十年六月奉文裁八名
實存夫八名
歲支銀四十七兩二錢一分七釐零

水泉邊站設馬二十匹
馬夫一十名
歲支銀四百八十兩

老營邊站設馬二十匹馬夫一十名歲支銀四百七十九兩九錢九分九釐零

廠設夫一十六名雍正十年六月奉文裁八名實存夫八名歲支銀四十七兩二錢一分七釐零

神池縣神池邊站設馬二十九匹馬夫一十四名歲支銀六百九十兩六錢

利民邊站設馬二十匹馬夫一十名歲支銀四百七十九兩九錢九分九釐零

八角邊站設馬二十匹馬夫一十名歲支銀四百七十九兩九錢九分九釐零

五寨縣五寨邊站設馬二十匹馬夫一十名歲支銀四百七十九兩九錢九分九釐零

三岔邊站設馬二十匹馬夫一十名歲支銀四百八十兩

澤州府

鳳臺縣太行驛設馬騾二十五匹頭馬夫一十二名

半歲支銀六百七十五兩

太行遞運所設夫六十名雍正十年六月奉文裁二
十五名實存夫三十五名歲支銀二百五十八兩
五錢一分九釐零

星輶驛設馬騾三十匹頭馬夫一十五名歲支銀八
百一十兩

星輶遞運所設夫五十名雍正十年六月奉文裁三
十五名實存夫十五名歲支銀一百九兩四錢一

分九釐零

高平縣長平驛設馬騾二十五匹頭馬夫一十二名
半歲支銀六百七十五兩

長平遞運所設夫六十名雍正十年六月奉文裁二
十五名實存夫三十五名歲支銀二百四十八兩
八錢三釐零

喬村驛設馬騾二十五匹頭馬夫一十二名半歲支
銀六百七十五兩

蒲州府

永濟縣河東驛設馬騾六十二匹頭馬夫三十一名
歲支銀一千八百七十四兩八錢八分

榮河縣協濟馬騾一十二匹頭馬夫六名歲支銀三
百六十二兩八錢八分

平陸縣協濟馬騾五匹頭馬夫二名半歲支銀一百
五十一兩二錢

芮城縣協濟馬一匹馬夫半名歲支銀三十兩二錢

四分

河東遞運所設夫九十名歲支銀一千一百六十三兩一錢八分三釐零

臨晉縣樊橋驛設馬騾五十三匹頭馬夫二十六名半歲支銀一千六百二兩七錢二分

樊橋廠設夫六十名歲支銀七百五十兩八錢七分二釐零

虞鄉縣分管樊橋驛馬二十六匹夫十三名歲支銀

七百八十六兩二錢四分
廠夫三十名歲支銀三百七十五兩四錢三分六釐零

遼州

遼州南關驛設馬二十匹馬夫十名歲支銀五百四十兩

沁州

沁州沁陽驛設馬一十五匹馬夫七名半歲支銀四百五兩

沁源縣協濟馬一十匹馬夫五名歲支銀二百七十兩

武鄉縣權店驛設馬二十五匹馬夫一十二名半歲支銀六百七十五兩

權店遞運所設夫六十名雍正十年六月奉文裁二十五名實存夫三十五名歲支銀三百七十九兩八分四釐零

平定州

平定州平潭驛設馬騾七十九匹頭馬夫三十九名
半歲支銀二千三百八十八兩九錢六分

平潭廠設夫九十名歲支銀八百九十五兩二錢二
分一釐零

甘桃鋪驛雍正九年添設馬六十匹馬夫三十名歲
支銀一千八百一十四兩四錢

壽陽縣太安驛設馬騾七十九匹頭馬夫三十九名
半歲支銀二千三百八十八兩九錢六分

太安廠設夫九十名歲支銀九百三十七兩一錢二分七釐零

壽陽縣壽陽驛雍正十年添設馬六十匹馬夫三十名即於太安芹泉平潭栢井四驛內均撥

孟縣芹泉驛設馬騾七十九匹頭馬夫三十九名半歲支銀二千三百八十八兩九錢六分

芹泉廠設夫九十名歲支銀八百七十三兩八錢九分五釐零

樂平縣栢井驛設馬騾九十一匹頭馬夫四十五名
半歲支銀二千七百五十一兩八錢四分

栢井廠設夫九十名歲支銀八百九十四兩四錢二
分四釐零

忻州

忻州九原驛設馬騾四十匹頭馬夫二十名歲支銀
一千八十兩

九原遞運所設夫五十名雍正十年六月奉文裁二

十名實存夫三十名歲支銀二百七十二兩二錢
八分三釐零

靜樂縣康家會驛設馬騾一十二匹頭馬夫六名歲
支銀三百二十四兩廠夫二十名雍正十年六月
奉文全裁

代州

代州鴈門驛設馬騾四十七匹頭馬夫二十三名半
歲支銀一千二百六十九兩

鴈門遞運所設夫五十名雍正十年六月奉文裁二十名實存夫三十名歲支銀二百九十七兩三錢五釐零

廣武邊站設馬四十五匹馬夫二十二名半歲支銀九百三十六兩五錢四分五釐零

廠設夫三十三名歲支銀三百二十一兩五錢零

繁峙縣砂澗驛設馬騾三十二匹頭馬夫一十六名
歲支銀八百六十四兩

三泉廠設夫二十八名歲支銀一百六十五兩二錢五分九釐零

平刑驛設馬三十五匹頭馬夫一十七名半歲支銀七百二十二兩九錢五分九釐零

崞縣原平驛設馬騾四十五匹頭馬夫二十二名半歲支銀一千二百一十五兩

原平廠設夫五十名雍正十年六月奉文裁二十名實存夫三十名歲支銀三百一十五兩四分二釐

零

開塗驛設馬騾二十匹頭馬夫一十名歲支銀五百四十兩

解州

安邑縣泓芝驛設馬騾七十九匹頭馬夫三十九名半歲支銀二千三百八十八兩九錢六分

泓芝廠設夫九十名歲支銀一千一百三十五兩八錢二分六釐零

清河遞運所設夫五十名雍正十年六月奉文全裁絳州

聞喜縣凍川驛設馬騾五十四匹頭馬夫二十七名
歲支銀一千六百三十二兩九錢六分

稷山縣協濟馬七匹馬夫三名半歲支銀二百一十
一兩六錢八分

絳縣協濟馬騾一十八匹頭馬夫九名歲支銀五百
四十四兩三錢二分

凍川廠設夫九十名歲支銀一千一百七十一兩六錢二分二釐零

舊塘站

保德州經管東關正站馬三十匹

年延村腰站馬二十匹

河曲縣經管沙泉正站馬三十匹

李家溝腰站馬二十匹

五寨縣經管三岔堡正站馬三十匹

內有本站馬二十匹抽撥舊塘

站止有

十匹

神池縣經管該縣城正站馬三十匹

內有本站馬二十九匹抽撥舊

塘站止
有一匹

義井村腰站馬二十匹

朔州經管該州城正站馬三十匹

青圪塔腰站馬二十匹

山陰縣經管岱岳正站馬三十匹

懷仁縣經管商家莊腰站馬二十匹

新塘站

枳兒嶺馬四十匹

天城城馬四十匹

陽和東三十里舖馬四十匹

陽和城馬四十匹

王官人屯馬四十匹

聚樂城馬四十匹

大同東三十里舖馬四十匹

大同城馬四十匹

綉女村馬四十匹

懷仁縣馬四十匹

薛家庄馬四十匹

鹽豐營馬四十匹

岱岳站馬四十匹

上西河村馬四十匹

馬邑縣馬四十匹

朔州馬四十匹

梨園頭馬四十匹

大水口馬四十匹

神池堡馬四十匹

義井村馬四十匹

仁義村馬四十匹

三岔堡馬四十匹

韓家樓馬四十匹

李家溝馬四十匹

沙泉站馬四十匹

紅崖頭小腰站馬二十匹

年延村馬四十匹

保德州馬四十匹

大同府分路至殺虎口添設腰站七處

大同城腰站馬三十匹

雲岡腰站馬三十匹

高山城腰站馬三十匹

雲西腰站馬三十匹

左雲縣腰站馬三十匹

牛心山腰站馬三十匹

右玉縣腰站馬三十匹

附歷代馬政

錄其切於
晉疆者

漢志太原郡有家馬官

臣瓚曰漢有家馬廢一廢萬
匹時以邊表有事故故分來

在此家馬後
改曰桐馬也

元鼎元年令民得畜邊縣

孟康曰令得畜牧於邊縣

官假馬母三

歲而歸及息什一以除告緡用充入新秦中

李奇曰邊有官

馬今令民能畜官母馬者滿三歲歸之十母馬還官一駒此為息什一也

師古曰官得母馬之息以給

用度得充實秦中人故除告緡之令也

太僕有牧師諸苑三十六所分布北邊西邊以郎為

苑監官奴婢三萬人養馬三十萬匹魏置牧官都尉

晉因之後齊有左右牝牡駝牛羊等署令後周曰典

牝典牡上士中士又有典駝典羊典牛中士隋曰典

牧署牛羊署令丞唐初因之分曰牧監置監副監丞主簿

後魏太武幸稠陽驅野馬於雲中置野馬苑

太武帝平統萬定隴右以河西水草善表為牧地六畜滋息馬三百餘萬匹駝將半之羊則無數孝文遷洛陽復以河陽為牧場恒置戎馬十萬匹以擬軍警之備每歲自河西徙牧於并州以漸南轉欲其習水土而無死傷也

太和遷洛敕後軍將軍宇文福檢行牧馬之所福規石濟以西河內以東距黃河南北千里為牧地魏齊時馬場是也及徙代移雜畜於牧所將養竝無損耗

高祖嘉之

黃河南北千里則澤潞南亦有牧地矣

延昌二年二月以苑牧之地賜代遷民無田者

北齊忻代二牧悉是細馬合數萬匹

唐貞觀初從赤岸澤徙牧牝三千匹於隴右十五年始令太僕少卿張萬歲勾當羣牧至麟德四十年間

馬至七十萬六千匹置八坊以八使領四十八監跨
蘭會秦原四州之地猶為狹隘更析八監布於河曲
其時天下以一縑易一馬儀鳳三年置檢校隴右諸
牧監使凡馬五千為上監三千為中監餘為下監監
皆有左右因地為之名嵐州監牧使三儀鳳後置樓
煩監元池監天池監

唐志憲州舊樓煩監牧也先隸隴右節度使至德後
屬內飛龍使舊樓煩監牧嵐州刺史兼領貞觀十五

年楊鉢為監牧使遂專領監司不係州司龍紀元年
後置憲州於樓煩監仍置樓煩縣郡城開元四年王
毛仲築

元和十二年伐蔡又命中使以絹二萬市馬河曲

宋王嗣宗議汾州地涼接樓煩諸監請就牧放從之
景德二年改諸州牧龍坊悉為監

置提點馬監府州置馬監主簿

河東則太原監與高陽正定大名定州號五監而大

名廣平等列河南北又為十四監

皆季春出就放諸牧至秋冬而入

坊監地總四萬九千四百餘頃諸班諸軍又三萬九百九十頃坊監及諸軍馬總二十餘萬諸坊廄皆有涼棚井泉所屬縣令檢校之

治平四年十一月置馬監於河東交城縣

熙寧初羣牧司請於河北河東陝西都總管治所各置一監以便給軍乃遣官下諸路詳度既又以知太原唐介之請發沙苑馬五百置監於交城

熙寧五年廢太原監

至八年盡廢河南北諸監惟存沙苑一監至元豐二年收廢監

租錢遂至百十六萬

元祐初議興廢監詔庫部郎中郭茂恂相視陝西河東所當置監又下河北陝西按行河渭并晉之間牧田以聞時已罷保甲教騎兵而還戶馬於民左司諫王巖叟又上疏極言其事於是諸監皆復

天聖中詔府州岢嵐軍自今省馬三歲四歲者不以等第五歲已上十二歲已下骨格良善行者悉許網

送估馬司餘非上京省馬竝送并州揀馬司

慶厯五年出內藏庫絹二十萬市馬於鄜州岢嵐軍
嘉祐元年詔三司出絹三萬市馬於府州以給河東
軍

熙寧八年岢嵐火山軍所產馬以敵境沿邊人多盜

馬越界趨利罷之

元豐二年正月罷

元豐六年提舉河東路保甲王崇極言請令本路保
甲十分取二以教騎戰每官給二十五千令市一千

限以五千當得馬六千九百十有八匹為緡錢十七萬二千九百有五十詔以京東鹽息錢給之仍以五年為限令崇極月上所買數

七年京東西行保馬法

熙寧八年河北察訪使曾孝寬言慶厯中嘗詔河北民戶以物力養馬備非時官買乞參考申行之戶馬法始此至元豐三年王拱辰請詔開封府界京東西河北陝西河東路州縣戶各計資產市馬坊郭家產及三千緡鄉村五千緡若坊郭鄉村通及三千緡以

上者各養一馬增倍者馬亦如之至三匹止馬以四尺三寸以上齒以八歲以下為斷齒及十五歲則更市如初提舉司籍記之於是諸道各以其數來上而河東路三百六十六視諸道為減少焉若永興路一千五百四十六則河中解戶馬其數滋多矣已而西方用兵頗調戶馬給戰騎七年六月遂詔河東廊延環慶路各發戶馬二千以給正兵河東就給本路既配兵後不復補

陝西河東立社更相助錢以市馬熙寧初詔河北騎軍行其法

慶厯六年詔陝西河東社馬死者本營鬻錢以助馬直

治平元年河東陝西廣銳蕃落闕馬復置社買一馬官給錢三十千久之馬不至乃增置如慶厯詔書第三等三十五千第四等二十八千

景祐中禮部侍郎宋祁請弛陝西河東馬禁

慶厯四年詔陝西河北河東關馬軍士填五分餘路
填四分至元和年詔軍士戍陝西河東河北填七分
餘路填六分

金西京羣牧十二

阿敦羣牧

大定四年改為
阿都齊羣牧

布

沙堪羣牧

本阿都齊地大
定七年分置

伊囉幹羣牧

鄂爾多

羣牧

軍幹羣牧

額勒本羣牧

烏展羣牧

特們羣牧

多托都羣牧

鄂囉都羣牧

特恩

羣牧

承安四
年創置

富森羣牧

承安四
年創置

特們所在撫州

特們所在撫州以上二所
近西京胥世宗置

阿都齊所

布沙幹所二所本阿都齊地大定七年分
置承安二年改板底因烏魯古

額勒本所承安三年改烏紳烏爾固烏爾固
言滋息也以上三所在西京北

哈喇溫所

伊囉幹所以上二所在臨潢
秦州境距西京遠

定制河東馬歲給五月

六年三月癸巳詔內地諸明安赴山後牧馬俟秋竝發

明昌五年散驟馬令中都西京河北東西路驗民物力分畜之又令他路民養馬者斃則於前四路給換若欲用則悉以送官

元牧地一十四道一塔拉穆稜等處御位下雲

內州卓里雅齊哈爾

雲內州今喇嘛灣東南地

元初太原歲飼諸王駝馬一萬四千匹成宗時河東

山西廉訪使程思廉為請止飼千匹

明初設行太僕寺主山西馬政以少卿一員領之尋改為卿有寺丞有主簿

弘治十七年四月十四日命行太僕寺照太僕寺點
開京營馬匹事例每年二次徧歷衛所營堡點閱騎
操馬匹

秋青草每歲四月至十月止各軍不支馬草自行收
放仍納青草一百八十束入官備用尋因草多浥腐

者每束折銀一分五釐每年徵銀二兩七錢春班於
八月中上納秋班與在衛所常備十一月上納俱該
守備官追併厥後減追每名納草四十束後又復減
半自正德十一年止除守墩旗軍與夜不收并守鋪
軍人免納外其餘一應差占俱不減免各府州縣民
壯每名該納秋青草四十束每束折銀三分共納銀
一兩二錢

山西通志卷五十六